

**REZIMEI PODRŽANIH PROJEKATA
PROGRAM FILANTROPIJE**

**Javni poziv za podršku organizacijama civilnog društva i neformalnim grupama građana s područja BiH za realizaciju kampanja za namicanje sredstava
Broj poziva: 3 – FRK – 1/2024; Broj protokola: KP-I-120/24**

Aplikant: Neformalna grupa građana „Food fair“

Naziv projekta: „Food fair Tuzla“

Food Fair Tuzla zamišljen je kao humanitarna akcija kojom će se prikupljati sredstva za Dobrotvorno udruženje/društvo Merhamet, Tuzla. Merhamet je dobrotvorna organizacija koja kroz projekte nastoji ublažiti tešku socijalnu i ekonomsku situaciju u BiH. Događaj planiraju upriličiti na Gradskom trgu gdje će biti predstavljene različite nacionalne kuhinje (američka, meksička, ali i bosansku), a drugi dan posvetit će isključivo kuhinjama nacionalnih manjina koje žive u Tuzli. Hrana će biti dostupna na štandovima, a svaki prolaznik koji želi kušati neko od jela moći će ostaviti simboličnu donaciju u kutiju predviđenu za to. Osim hrane planiraju organizirati zabavu i nastupe različitih izvođača iz Tuzle. Osim članova neformalne grupe, veliku ulogu u organizaciji ovog sajma igraju i volonteri. Cilj im je predstaviti različitosti kroz gastronomsku ponudu, prikupiti sredstva za Narodnu kuhinju, poboljšati stanje svijesti o problemu gladi i siromaštva, podići svijest mladih o dobrobitima volontiranja i preuzimanja inicijative u rješavanju problema u zajednici, jačati filantropiju uz uspostavljanje kontakata sa donatorima.

Aplikant: Fudbalski klub „Škahovica“

Naziv projekta: „Zajedno završimo naš stadion“

Projektom "Zajedno završimo naš stadion, Sportsko udruženje planira urediti stadion čime bi Škahovica dobila prostor za trenažni proces djece i odraslih. Povećao bi se broj djece koja se bave sportom i samim tim razvila bi se i puno veća socijalizacija gdje bi bila uključena školska djeca uzrasta od 7 do 15 godina kao i muškarci, žene, Romi, osobe sa poteškoćama u razvoju, itd. Cilj ovog projekta je obezbjediti siguran i efikasan prostor u zajednici za promociju i konzumiranje sporta i sportskih aktivnosti. Djeca i mladi sa prostora zajednice Škahovica aktivno i redovno bi se bavili sportom, razvijali sporstki duh i afinitete prema sportu kako bi se osigurao ostanak mladih u ovoj zajednici. Jedan od ciljeva je i edukacija i socijalizacija Romske populacije u ovoj zajednici. Ovim projektom žele postaviti golove i mreže na golove gdje bi stadion dobio prvo obilježje, zatim postaviti ogradu oko stadiona, izgraditi klupe za rezervne igrače, pokrenuti školu sporta za djecu i nastaviti se takmičiti sa seniorskom ekipom, promovisati svoju mjesnu zajednicu kroz sport, organizovati turnire i povećati posjećenost Škahovici te formirati školu sporta koja izbacuje talente koji grade uspješne karijere.

Aplikant: GSS, Tuzla

Naziv projekta: „Spasioci trebaju prijevoz“

GSS Tuzla je na raspolaganju svim građanima kojima treba medicinsko/evakuacijska pomoć u nepristupačnim područjima, te posjeduje znanje i specijalističku spasilačku opremu. Kamen spoticanja u akcijama spašavanja je organizacija prevoza jer GSS Tuzla ne posjeduje prevozno sredstvo. Prvenstveni cilj ovog projekta jeste usmjeren na zaštitu ljudskih života i imovine, te volontersko angažovanje zajednice kao aktivnog partnera Gorske službe. Planirana sredstva će biti utrošena isključivo u nabavku jednog prevoznog sredstva (putnički kombi) koji će omogućiti prevoz spasilaca, opreme i unesrećenih. Nadalje, cilj ovog projekta je uključivanje drugih nevladinih organizacija, medija, kompanija, ali i građana kao aktivnih partnera Gorske službe spašavanja. Na taj način žele poticati na filantropiju među pomenutim akterima, a s ciljem rješavanja zdravstvenih, društvenih i ekoloških izazova u društvenoj zajednici. GSS Tuzla planira održati niz sastanaka sa potencijalnim velikim donatorima kako bi obezbjedili dovoljno sredstava za kompletnu realizaciju ciljeva projekta, ali i pokrenuli kampanju s ciljem širenja svijesti o značaju postojanja jednog ovakvog udruženja. Građani TK, ali i BiH, kao krajnji korisnici projekta bi imali izuzetno velike koristi od nabavke jednog specijalizovanog prevoznog sredstva. Na taj način bi se izuzetno utjecalo na efikasno djelovanje GSS Tuzla u slučaju nesretnih događaja jer bi se jednim prevoznim sredstvom mogao prevesti veći broj spasilaca na mjesto nesreće, prevesti veliki dio spasilačke i medicinske opreme, a po potrebi i unesrećene prevesti do zdravstvenih ustanova čime bi se značajno utjecalo i na spašavanje ljudskih života i saniranje povreda građana. Nadalje, značajno bi se smanjili operativni troškovi stanice. Svakako da bi se ovo odrazilo i na zaštitu prirodne sredine na način da bi se jednim vozilom prevezla i oprema i spasioci, umjesto da se koristi po nekoliko privatnih vozila kao što je to bio do sada slučaj. Na ovaj način smanjila bi se potrošnja benzina/nafte i emisija isparavanja.

Aplikant: Škola atletike u Mostaru

Naziv projekta: „Trčimo istom stazom, skočimo u zajedničku budućnost“

Jedinstvenim „sportskim jezikom“ u Školi atletike u Mostaru žele izgraditi suživot i toleranciju. Promovisanjem i organiziranjem zajedničkih treninga na različitim lokacijama u gradu Mostaru (Trimuša, Fortica, kampusi Univerziteta i Sveučilišta), organiziranim predavanjima sa dječjim psihologom koji bi poticao dijaloge o zajedničkim uspjesima bez obzira na različite pozadine, poticali bi na jedinstvo i suživot koji treba da postane dio svakodnevnice života djece. Nakon realizacije ovog projekta imali bi djecu i mlade koji bi postali aktivni dio Udruženja „Škola atletike u Mostaru“ te bi zajedno rasli, pripadali jednom jedinstvenom klubu i u ovom gradu bi pokazali jedan prirodan suživot i odrastanje u zajednici u kojoj žive. Ovim projektom žele pokazati da ime kluba nije bitno za uspjeh, da ime djeteta nije bitno za pripadanje klubu, da svi zajedno navijaju za uspjeh svakog djeteta, da boja kože nije bitna, da se patike samo zovu patike i da trče brzo samo onoliko koliko njihove noge to mogu da iznesu, da je uloga djeteta u klubu da nauči biti čovjek i da nikada više ne prepozna nikakve razlike koje nam je trenutno društvo nametnulo. Naposljetku, žele promijeniti odnos prema

jednom bazičnom sportu kao što je atletika. Dugoročno, projekat bi doprinjeo povećanju broja djece koja se aktivno bave sportom, posebno atletikom, što će imati pozitivan uticaj na njihovo fizičko i mentalno zdravlje. Također, projekat će doprinijeti smanjenju socijalne nejednakosti u sportu, pružajući priliku djeci iz socijalno ugroženih porodica da se aktivno uključe u sportske aktivnosti. Kroz projekat žele namaknuti sredstva za opremu za djecu (dresove, patike, i sl.). honorare za psihologe i kineziologe, te sprave za trčanje. Dio sredstava potražuju i za održavanje atletskih igara.

Aplikant: Partnerstvo za javno zdravlje

Naziv projekta: „Kutak za međugeneracijski trenutak“

Projekat „Kutak za međugeneracijski trenutak“ ima za cilj uređenje zapuštenih zelenih površina ispred Centra za zdravo starenje u naselju Lužani u cilju osposobljavanja za njeno korištenje kako članovima Centra tako i obližnjim predškolskim ustanovama, školama, omladinskim organizacijama, ali i stanarima kompleksa zgrada u čijoj blizini se nalazi. Pored navedenog, projekat ima i za cilj podići svijest o očuvanju okoliša, unaprijediti saradnju sa drugim sudionicima zajednice i okupiti ih oko istog cilja, a to je unapređenje uslova života u lokalnoj zajednici, posebno za ranjive kategorije. Projektom će se formirati mini zelena oaza koja će biti od koristi svim sudionicima zajednice za organizaciju različitih aktivnosti kao što su terapijske vježbe za starije sugrađane, škole u prirodi za djecu predškolskog i školskog uzrasta, radionica u organizaciji omladinskih organizacija, obilježavanja bitnih datuma kao što su proslave godišnjice Centra i sl. ali i neformalna druženja svih generacijskih grupa. Na ovaj način Udruženje želi poboljšati kvalitet aktivnosti za stariju populaciju obezbjeđivanjem prostora za boravak u prirodi, podići svijest o značaju očuvanja okoliša i potaknuti druge na slične akcije te ojačati saradnju između lokalnih privrednika i civilnog društva koristeći princip transparentnosti u provođenju kampanje. Uključivanjem u realizaciju ovog projekta lokalni privrednici će imati mogućnost da podrže lokalni projekat i daju doprinos kvaliteti života u zajednici u kojoj posluju. Navedeno će doprinijeti i njihovom ugledu u društvu, posebno jer u prvom redu pomažu ranjivoj kategoriji društva. Pojedinci koji daju donaciju za realizaciju ove kampanje će dobiti osjećaj lične satisfakcije, posebno jer će navedni prostor, u prvom redu, najviše koristiti starijim osobama, članovima Centra za zdravo starenje Ilidža.

Aplikant: Udruženje za razvoj, unapređenje i podršku zajednice

Naziv projekta: Omladinski NukleVrt

Kroz svoje ranije projekte i saradnju sa mladima, Udruženje je identifikovalo problem neostatka znanja kod mladih kada je u pitanju održivi uzgoj hrane i zdravi stilovi života. Ključne aktivnosti su: izgradnja i uspostavljanje NukleVrta i uključivanje zajednice, sjetva sadnica i promocija zdravog načina života, žetva plodova i promocija održive proizvodnje i dijeljenje plodova. Od konkretnih rezultata ističu: izgrađen prvi omladinski gradski poljoprivredni vrt na preko 200 m², stvorene uslove za uzgoj preko 15 poljoprivrednih kultura, učešće preko 50 mladih i djece na izgradnji NukleVrta, organizovano najmanje 5 zajedničkih sjetvi, doniranje svježih proizvoda iz NukleVrta za najmanje 30 starijih osoba, uspostavljanje saradnje sa najmanje dvije lokalne škole i učešće njihovih 40 učesnika. Projekt "NukleVrt" ima za cilj rješavanje problema nedostataka prilika za edukaciju mladih o poljoprivredi i

održivom uzgoju hrane, nedostataka aktivnosti za mlade u slobodno vrijeme, nedostataka pristupa svježim proizvodima za starije osobe u lokalnoj zajednici, kao i nedostatka održivih izvora finansiranja za Centar za mlade. Nedostatak prilika za edukaciju mladih o poljoprivredi stvara generacijski jaz u znanju i vještinama te smanjuje svijest o održivosti i ekologiji.